

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

koju zastupa načelnik

(u daljem tekstu Kupac)

i

GOLD MIGNON d.o.o. Sarajevo

ulica Olimpijska bb, 71 000 Sarajevo

ID broj: 4200199130009

koga zastupa direktor

(u daljem tekstu Prodavac)

u Sarajevu dana 28.03.2018. godine, zaključili su

OKVIRNI SPORAZUM O UVJETIMA KUPOPRODAJE UGOSTITELJSKIH POTREPŠTINA

Član 1.

Ovim Okvirnim sporazumom ugovorne strane utvrđuju prava i obaveze vezane za prodaju i kupovinu proizvoda iz prodajnog programa Prodavca u skladu sa ponudom broj: 034-A-02/18 od 05.02.2018. godine, zaprimljene pod brojem: 17-14-3210 od 06.02.2018. godine, i to za nabavku **i isporuku ugostiteljskih potrepština za jednokratnu upotrebu za potrebe Kantona Sarajevo**, dostavljene po objavljenom javnom pozivu za zahtjevanu nabavku (LOT 1 – Ugostiteljske potrepštine za jednokratnu upotrebu).

Prodavac se obavezuje vršiti prodaju proizvoda iz stava 1. ovog člana kupcu, a Kupac plaćati iste proizvode prema odredbama ovog Okvirnog sporazuma, a u skladu sa cijenama koje su date u gore navedenim ponudama, koje su sastavni dio ovog Okvirnog sporazuma.

Član 2.

Prodavac se obavezuje da će isporuku proizvoda iz tačke 1. ovog Okvirnog sporazuma vršiti **franco skladište Kupac**.

Član 3.

Kupoprodaja proizvoda iz ovog Okvirnog sporazuma obavljat će se po cijenama i kvalitetu prihvaćenim u ponudama *iz člana 1. ovog Okvirnog sporazuma*, **a ukupna vrijednost ovog ugovora iznosi:**

Ukupna cijena bez PDV-a	4.050,00 KM
PDV	688,50 KM
Ukupna cijena sa PDV-om	4.738,50 KM

Mogućnost odstupanja od ponudom predviđenih količina moguća u novčanoj protuvrijednosti **od +/- 10%**.

Član 4.

Isporuka proizvoda iz tačke 1. ovog Okvirnog sporazuma vršit će se na osnovu zahtjeva Kupca, koji će svoje potrebe za proizvodima iskazivati kroz zahtjeve i ispostavljanje narudžbenica za svaku pojedinačnu isporuku, koja će ujedno predstavljati i ugovor u okviru ovog Okvirnog sporazuma.

Član 5.

Kvalitativni i kvantitativni prijem proizvoda iz ovog Okvirnog sporazuma Kupac se obavezuje obaviti odmah po prijemu robe. Ukoliko se utvrde kvantitativne razlike, odnosno utvrdi se oštećenje primljenih proizvoda ili ako se ustanovi da kvalitet robe ne odgovara uzorku dostavljenom po oglasu, Kupac će sačiniti komisijski zapisnik kojeg će u roku od 3 dana dostaviti Prodavcu radi prihvatanja ili odbijanja reklamacije uz dostavljanje argumenata za odbijanje iste.

Član 6.

Ukoliko Komisija iz člana 5. ustanovi da kvalitet robe ne odgovara kvalitetu iz ponude, te Prodavca pismeno izvjesti o kvalitativnom nedostatku, Prodavac je dužan da u roku od 48 sata ukloni nedostatke (izvrši zamjenu), a ako to ne učini Kupac zadržava pravo da u roku od 24 sata raskine jednostrano ovaj Okvirni sporazum i o tome pismeno obavijesti Prodavca, a isporučenu nekvalitetnu robu vrati Prodavcu.

Također, Kupac zadržava pravo jednostranog raskida Okvirnog sporazuma ukoliko se utvrdi da Prodavac ne poštuje rokove isporuke robe.

Član 7.

Prodavac se obavezuje priznati reklamacije na kvantitet robe koja će biti popraćena odgovarajućom dokumentacijom - zapisnikom uz obavezu navođenja broja i datuma otpremnice i računa Prodavca, kako bi se zadovoljili uslovi reklamacijskog roka od 8 dana.

Prodavac se obavezuje da na zahtjev Kupca odgovarajućom dokumentacijom (faktura i otpremnica) dokaže da je isporučenu robu po ovom Okvirnom sporazumu nabavio od proizvođača ili ovlaštenog distributera iste.

Član 8.

Prodavac će fakturisati isporučene proizvode po cijenama iz ponude navedene u članu 1. ovog Okvirnog sporazuma, koje su prihvaćene po javnom oglasu za nabavku i isporuku ugovornih potrebitina za jednokratnu upotrebu (LOT 1).

Prodavac se obavezuje da će fakture za isporučenu robu ispostaviti u roku od 5 dana od dana isporuke.

Član 9.

Sastavni dio ovog Okvirnog sporazuma su:

- *Odluka o izboru najpovoljnijeg ponuđača broj: 17-14-1687-10 od 05.03.2018. godine*
- *Ponuda broj: 034-A-02/18 od 05.02.2018. godine, zaprimljena pod brojem: 17-14-3210 od 06.02.2018. godine.*

Član 10.

Kupac se obavezuje platiti fakturu Prodavcu u roku od 60 dana od dana izdavanja i prijema fakture.

Član 11.

Ugovorne strane su saglasne da će sve izmjene i dopune ovog Okvirnog sporazuma regulisati aneksom istog.

Član 12.

Ovaj ugovor stupa na snagu danom potpisivanja i traje do 31.12.2020 godine.

Član 13.

Ugovorne strane mogu jednostrano otkazati Okvirni sporazum pismenim putem sa otkaznim rokom od 30 dana.

Član 14.

Za sve sporove koje ugovorne strane ne budu mogle riješiti sporazumno, prihvataju nadležnost Suda u Sarajevu.

Član 15.

Ovaj Okvirni sporazum sačinjen je u 4 istovjetna primjerka od kojih po dva primjerka pripadaju svakoj ugovornoj strani.

KUPAC:
KANTON SARAJEVO
Stručna služba za zajedničke poslove



Načelnik

PRODAVAC:

GOLD MIGNON d.o.o.

Direktor ✓

Broj: 17-14-7687-13
Datum: 29-03-2018



Broj: 028-03-18/7
Datum: 30.03.2018